

# Kerajaan tumpu usaha hasilkan produk makanan dalam negara

Pertanian berskala besar kurangkan kebergantungan import, elak risiko bekalan terjejas

Oleh Latifah Arifin dan Mohd Nasaruddin Parzi  
latifah@bh.com.my

**Kuala Lumpur:** Kerajaan akan menumpukan usaha penghasilan produk makanan dalam negara dengan penekanan kepada pertanian berskala besar di Kelantan, Pahang, Terengganu, Sabah dan Sarawak bagi mengurang-



Pelbagai teknologi moden akan diperkenalkan dalam usaha meningkatkan pengeluaran makanan. (Foto hiasan)

kan kebergantungan negara kepada sumber makanan import yang kekal tinggi.

Perdana Menteri, Datuk Seri Anwar Ibrahim berkata, rangka tindakan itu memberi tumpuan khusus di lima negeri dalam usaha mengurangkan risiko bekalan terganggu.

"Kebergantungan negara kepada makanan import masih terlalu tinggi. Kelumpuhan bekalan makanan import boleh jadi ancaman kepada negara. Bagi mengurangkan risiko terbabit, penghasilan produk makanan dalam negara akan dipertingkatkan.

"Ini termasuk program penanaman padi lima musim dalam tempoh dua tahun di MADA (Lembaga Kemajuan Pertanian Muda) Kedah dan Perlis, KADA (Lembaga Kemajuan Pertanian Kemubu) di Kelantan serta kawasan pembangunan pertanian bersepadu di Selangor, Perak, Pulau Pinang dan Sarawak akan dipercepat dan diperluas pelaksanaannya," katanya.

Anwar berkata, keutamaan lain adalah pemindahan tekno-

logi membabitkan pembangunan varieti dan teknik pertanian, penggunaan jentera moden melalui program mekanisasi dan automasi agromakanan serta pengurusan tanah lebih cekap.

Beliau berkata, kegiatan penyelidikan, pembangunan, pengkomersialan dan inovasi (RDCI), adaptasi pertanian pintar dan ladang satelit akan dipergiatkan dengan simbiosis erat antara petani termasuk agropreneur muda, institusi penyelidikan dan pihak industri.

## Pelbagaikan sumber import

Perdana Menteri berkata, sumber import makanan akan dipelbagaikan supaya tidak bergantung pada negara tertentu.

Dalam masa sama, katanya, kawal selia kemasukan makanan ke dalam negara akan diperkuatkan bagi memastikan keselamatan dan kualiti makanan.

"Bagi menambah baik rantian bekalan makanan secara menyeluruh, kecekapan infrastruktur pusat pengumpulan, pemprosesan, pengedaran dan pengeda-

ran serta sektor peruncitan berskala kecil dan sederhana akan diperkukuh.

"Minda rakyat harus diubah daripada melihat pertanian hanya satu kegiatan sara diri kepada peluang menjana ekonomi yang sangat menguntungkan.

"Segala ikhtiar ini akan meningkatkan sumbangan nilai ditambah subsektor agromakanan mencecah RM58 bilion menjelang 2030," katanya.

Dalam perkembangan berkaitan, Anwar berkata, kerajaan

akan terus melonjakkan pembangunan subsektor agrikomoditi meliputi sawit, getah dan koko.

Katanya, tumpuan akan diberikan kepada peningkatan produktiviti melalui penggunaan teknologi moden termasuk mekanisasi, automasi dan robotik, RDCI dan pensijilan kemampunan.

Beliau berkata, usaha itu akan meningkatkan kecekapan operasi yang dapat mengurangkan kebergantungan kepada tenaga kerja, khususnya tenaga kerja asing.

## MEMPERTINGKAT PENGELUARAN MAKANAN

0 Membangunkan pertanian skala besar di Kelantan, Pahang, Terengganu, Sabah dan Sarawak

0 Penanaman padi lima musim dalam tempoh di Kedah, Perlis, Kelantan, Selangor, Perak dan Pulau Pinang

